



JUDICIAL SYSTEM MONITORING PROGRAMME PROGRAMA DE MONITORIZAÇÃO DO SISTEMA JUDICIAL

Komunikadu Imprensa

Periodu : Agostu 2010

Pubikasaun : 03 Agostu 2010

JSMP Hala'o Workshop no Fahé Informasaun iha Distritu Suai

Iha loron 27 Jullu 2010, JSMP liu husi Projeitu Observasaun ba Parlamentu (POP) hala'o workshop no fahe informasaun konabá prosesu lejislative no atividade Parlamentu Nasionál nian iha Suku Holpilat, Sub-Distritu Maukatar, Distritu Suai. Partisipantes ne'ebé tuir workshop ne'e hamutuk ema nain 32, ne'ebé kompostu husi ema mane hamutuk nain 21 no fetu hamutuk nain 11.

Luis de Oliveira Sampaio, Direitór JSMP hateten katak, atividade ida ne'e importante tebes iha área rural tanbá sidadaun hotu-hotu bele hatene dezenvolvimentu no progresu inklui dezafiu saida mak akontese iha Parleментu Nasionál. Liu-liu prosesu ne'e atu lori besik atividade parlamentu nia ba povu, nune'e povu bele hatene saida mak deputadu sira nu'udar representante povu/eleitores sira halo atu asegura no defende interese povu nian iha Parlamentu Nasionál.

Husi prosesu ne'e JSMP observa katak sociedade nia koñesementu konabá prosesu lejislative no atividade Parlamentu Nasionál nian sei mínimu tebes. Tanbá ne'e JSMP hanoin katak sira persija duni iha aktividade hanesan ne'e, atu nune'é sira la bele lakon informasaun importante, no bele hatene liu tan konabá sira nia representane nia kna'ar iha Uma Fukun Parlamentu Nasionál.

Atu hakle'an liu tan sociedade nia hanoin no atu enkoraza partisipasaun máximu husi partisipante sira, prosesu workshop no fahe informasaun ne'e uza maneira partisipative hodi fo matéria hotu konabá prosesu lejislative nian. Signifika JSMP/POP hato'o matéria, partisipante sira bele husu dereitamente, karik iha buat ruma mak sira la dúvida, preukupa, kestiona ka karik ladun komprende. Maske iha sesaun ka tempu propoiu bá partisipante sira atu husu perguntas. Aleinde ne'e JSMP mós fahé partisipante bá halo dikusaun iha grupu ki'ik nia laran, atu nune'é bele halo partisipante sira aktivu hodi fo sira nia hanoin no bele hare oinsá sira nia koñesementu konabá material ne'ebé JSMP hato'o tiha ona.

Husi observasaun JSMP nian no opiniaun ne'eb'e mai husi partisipante sira hatudu katak programa workshop no fahé informasaun importante tebes bá sira. Tanbá antes ne'e partisipante bálun seidak hatene konabá materia ne'ebé JSMP hato'o bá sira.

Ne'e duni, JSMP sei kontinua nafatin hala'o workshop no fahé infomasaun bá área rurais sira, atu nune'é kumesa agora no iha future, povu tomak iha koñesementu diak, konabá prosesu lejislativu no atividade Parlamentu Nasionál nian, nu'udar representante povu iha Uma Fukun Parlamentu Nasionál.

Atu hetan informasaun kle'an favor kontaktu:

Luis de Oliveira Sampaio

Direitor Ezekutivu JSMP

Diresaun e-mail: luis@jsmp.minihub.org

Landline: 3323883